



Broj: 02-04-1138/24-AP-3
Datum: 30.05.2024. godine

GRADSKO VIJEĆE ZAVIDOVIĆI
n/r PREDSEDAVAJUĆEM GRADSKOG VIJEĆA
Admir Fojnica, prof.

PREDMET: Odgovori na vijećnička pitanja sa 24. sjednice Gradskog vijeća Zavidovići održane 29.04.2024. godine, dostavljaju se

Povodom vijećničkih pitanja postavljenih na 24. sjednice Gradskog vijeća Zavidovići održanoj 29.04.2024. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA SAMIRA SKEJIĆA

Vijećnik Samir Skejić: „Od nadležne Službe za upravu poljoprivrede, vodoprivrede i komunalnih poslova zatražio bih informaciju:

- O nivou zagađenja velikih vodotoka na području Grada Zavidovići. Informaciju očekujem u formi kratkog izvještaja sa osnovnim informacijama o tipu zagađivača, nivou ukupnog zagađenja, mikrobiološkim i hemijskim agensima koji sudjeluju u zagađenju te po mogućnosti i informaciju o nivou zagađenja vodotoka rijeke Bosne neposredno uzvodno i nizvodno od područja Grada Zavidovići.
- Informaciju o nivou zagađenja zemljišta u zoni podložnoj plavljenju bujičnim vodama u slivu rijeke Bosne a posebno informaciju o zagađenju poljoprivrednog zemljišta u području „Rasadnika“ JP „ŠPD ZDK“ te područja naseljenog mjesta Dolina u zoni koja je podložna periodičnom plavljenju bujičnim vodama iz rijeke Bosne.“

Odgovor na prvo vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-19/24-AP-61 od 29.05.2024. godine): Obzirom da Grad Zavidovići nije u nadležnosti odnosno ne vrši analize o tipu, vrsti zagađivača, ukupnom zagađenju, mikrobiološkim i hemijskim agensima, kao i zagađenjima poljoprivrednog zemljišta, nego to vrše nadležne ustanove, referentni laboratorij i ovlašteni laboratorij, to je odgovor na tražene informacije zatražen u nadležnim ustanovama.

2. VIJEĆNIČKA PITANJA VIJEĆNIKA DEMIRA BULJUBAŠIĆA

1. Vijećnik Demir Buljubašić: Vijećničko pitanje (1): „jedno pitanje se odnosi, znači za inicijativu koja je podnesena 5.9. na sjednici Gradskog vijeća, Inicijativa od strane Javnog preduzeća šumarstva. Inicijativa se odnosi za parcelaciju Rasadnika, ne znam šta je sa inicijativom zašto još nije došla na dnevni red? (Inicijativu Javnog preduzeća „Šumsko

privredno društvo Zeničko-dobojski kanton“ d.o.o. Zavidovići, za izmjenu i dopunu planskih dokumenata za parcelu k.č. 1670/1 K.O. Zavidovići - Inicijativa za parcelizaciju Rasadnika Zavidovići, broj: 03-4186/23 od 04.09.2023. godine – dostavljamo ponovo na uvid.)

Odgovor na prvo vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-16/24-AP-12 od 17.05.2024. godine): Navedena inicijativa će biti razmatrana prilikom izrade Urbanističkog plana Grada Zavidovići, kada će se moći odrediti i definisati namjena površina unutar obuhvata Urbanističkog plana koja će se kasnije izradom regulacionog plana ili plana parcelacije detaljno definisati. Služba za upravu geodetskih, imovinskopravnih poslova i urbanizma se nakon donošenja Odluke o pristupanju izradi Urbanističkog plana Grada Zavidovići („Službeni glasnik Grada Zavidovići”, broj: 2/24) obratila Kantonalnom zavodu za urbanizam i prostorno uređenje Zenica sa zahtjevom za izradu Urbanističkog plana Grada Zavidovići, te do danas nismo dobili konkretan odgovor.

2. Vijećnik Demir Buljubašić: Vijećničko pitanje (2): Drugo vijećničko pitanje je, na prošlog, odnosno, prethodnoj sjednici vijeća bio je Izvještaj o utrošku sredstava od koncesija s obzirom da nije bio izvjestilac zahtijevao sam da mi se dostave odgovori na određena pitanja. Nikad nisam dobio odgovore pa, eto, volio bih da mi se dostave odgovori, a, ako ne mogu odgovori, zašto nisu došli? Hvala.“ – (diskusija vijećnika Demira Buljubašića po tački 13. Informacija o utrošku sredstava po osnovu naknade od koncesija u 2023. godini sa 22. sjednice Gradskog vijeća Zavidovići, održane dana 28.02.2024. godine, glasi: „ Vlada ZDK na sjednici održanoj 19.05.2022. donijela je odluku o načinu i korištenju sredstava prikupljenih od koncesija. U članu 2. stoji da općine po zakonu o koncesijama moraju trošiti sredstva u svrhu projektovanja, izgradnje i sanacije lokalnih puteva sa prioritetom na području mjesne zajednice gdje se nalazi predmet koncesije. Na području MZ Gostović se prikupio prihod od malih hidroelektrana - 89.000 KM, od MTV gradnje 78.000,00 KM, što ukupno iznosi 167.465,00 KM. U izvještaju nisam vidio da se bilo šta od sredstava utrošilo na području MZ Gostović. Kroz plan kapitalnih investicija su predviđeni određeni projekti, kao inicijative za izgradnju lokalnog puta u Borovnici, inicijativa za sanaciju puta Kučice - 9 km, inicijativa za izgradnju vodovoda u Gornjim Sinanovićima, inicijativa za izgradnju mosta u naseljenom mjestu Skakavac i sl. Interesuje me, zašto se sredstva nisu barem djelimično utrošili sa prioritetom u mjesnoj zajednici Gostović, odnosno mjesnim zajednicama koji su predmet koncesija ili da mi se pojasni na koji način se gleda prioritarnost ulaganja. Hvala. S obzirom da nema izvjestioca ne znam da li se po ovom pitanju može očitovati pismeno ili ne znam, kako mogu dobiti odgovor““)

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-6-155/24 od 16.05.2024. godine): Kako je Služba za upravu privrede, lokalni razvoj, infrastrukturu i međunarodnu saradnju tek nakon 24. sjednice Gradskog vijeća dobila vaše pitanje, dalje Vam dostavljamo odgovor na isto kako slijedi:

Članom 3. Odluke o načinu rasporeda i korištenja finansijskih sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13 i 11/22) definisano je sljedeće:

„Sredstva oprihodovana po osnovu naknada za predmete koncesije iz člana 2. stav 1. tačke (1) i (4) Zakona o koncesijama, moraju trošiti:

a) općine u svrhu projektovanja, izgradnje i sanacije lokalne infrastrukture, s prioritetom na području mjesnih zajednica gdje se nalazi predmet koncesije“.

Od ukupnog prihoda 203.511,89 KM od koncesionih naknada u 2023. godini, iznos od 167.465,77 KM predstavlja prihod ostvaren na području MZ „Gostović“, odnosno iznos od 89.100,77 KM čini prihod uplaćen od koncesionara EBH d.o.o. Male hidroelektrane Sarajevo, a iznos od 78.365,00 KM čini prihod od koncesionara MGV GRADNJA d.o.o. Zavidovići.

U toku 2023. godine na osnovu sredstava koncesionih naknada na području Mjesne zajednice „Gostović“ realizovana su plaćanja za sljedeće projekte / aktivnosti:

- Dio ugovora o izvođenju radova na asfaltiranju dionice lokalnog puta Žioke – Mahoje - Potok u iznosu od 24.184,47 KM,
- Vršenje stručnog nadzora na asfaltiranju puteva u MZ „Gostović“ 76,80 KM,
- Dio ugovora o nabavci, isporuci i ugradnji asfalta za potrebe modernizacije cesta na području Grada Zavidovići u iznosu od 70.000,00 KM od čega je 25.501,32 KM utrošeno na asfaltiranje nerazvrstane ceste u naseljenom mjestu Bajvati.

Dakle, za realizaciju projekata na području MZ „Gostović“ je u toku 2023. godine uloženo ukupno 49.762,59 KM od 167.465,77 KM prihoda od koncesija što čini 29,71% ukupnog prihoda u 2023. godini ostvarenog na području MZ „Gostović“.

Imajući u vidu da značenje riječi „prioritet“ u Odluci o načinu rasporeda i korištenja finansijskih sredstava prikupljenih po osnovu kontinuirane i jednokratne naknade od koncesija nije definisano minimalnim ili maksimalnim procentualnim ulaganjem na područje mjesne zajednice gdje se nalazi predmet koncesije u odnosu na ostvareni prihod, mišljenja smo da je uloženi iznos u odnosu na ostalih dvadeset mjesnih zajednica više nego korektan, budući da prihod od koncesija pripada Gradu Zavidovići, predmet koncesije se tiče svih građana jer predstavlja naše prirodno bogatstvo, a sama eksploatacija predmeta koncesije nema nikakav ili ima minimalan uticaj na stanje infrastrukture u MZ „Gostović“ kako bi se koncesiona naknada ulagala kao „obeštećenje“.

Uticaj eksploatacije predmeta koncesije na okoliš i zdravlje stanovnika MZ „Gostović“ je minimalan, a isti nije značajno veći u odnosu na ostalo stanovništvo Grada Zavidovići.

Takođe, uzimajući sve navedeno jedan od prioriteta Grada Zavidovići je ravnomjeran razvoj u svim mjesnim zajednicama.

3. VIJEĆNIČKO PITANJE VIJEĆNIKA HASIBA HISKIĆA

Vijećnik Hasib Huskić: „Na osnovu člana 8 i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: „Tražim od nadležne gradske službe informaciju dokle se stiglo sa izradom dokumentacijom i rješavanja imovinsko pravnih odnosa kada je u pitanju zahtjev za rekonstrukciju i izgradnju lokalnog puta od Kruščica do Livada.

Zahtjev podnešen od MZ Pašin Konak a na zahtjev mještana naseljenog mjesta Livade.

Isti bi se po ustaljenoj proceduri nakon rješavanja imovinskopravnih odnosa i eksproprijacije trebao naći na dnevnom redu jedne od sjednica gradskog vijeća kako bi se isti proglasio od javnog interesa.“

Odgovor na vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-16/24-AP-12 od 17.05.2024. godine): Kod Službe za upravu geodetskih, imovinskopravnih poslova i urbanizma nije pokrenut postupak za rješavanje imovinskopravnih odnosa (postupak utvrđivanja javnog interesa i postupci potpune eksproprijacije) u svrhu rekonstrukcije i izgradnje kolskog puta za Livade.

Naime, Gradsko pravobranilaštvo Zavidovići je aktom broj: U-743/24 od 25.04.2024. godine od ove službe zatražilo izradu elaborata i cilja projekta u skladu sa članom 16. Zakona o eksproprijaciji, a u svrhu kompletiranja dokumentacije za pokretanje postupka utvrđivanja javnog interesa i provođenja postupka potpune eksproprijacije.

Služba nije još završila izradu pomenutog elaborata za navedeni put, zbog obimnosti tog posla i drugih poslova koji se trenutno provode u službi kao i nedostatka kadra za obavljanje poslova geodetske struke.

Služba će nastojati navedene poslove završiti u ovom mjesecu.

4. VIJEĆNIČKO PITANJE VIJEĆNIKA HARISA HODŽIĆA

Vijećnik Haris Hodžić: „Vijećničko pitanje upućujem Službi za upravu društvenih djelatnosti, pitanje boraca i opću upravu; da nam za narednu sjednicu dostavi analitički konto dobavljača sa pojedinačnim iznosima Javne ustanove Gradska biblioteka, Javne ustanove Gradski dječiji, Razvojna agencija Zavidovići i Javna ustanova Kulturno-sportski Centar Zavidovići.

Obrazloženje

U posljednim izvještajima finansijskog poslovanja javnih preduzeća, ustanova, imamo situaciju da nam samo komunalno preduzeće dostavlja analitički konto dobavljača, a mi kao vijećnici nemamo mogućnost da pogledamo pojedinačni iznose dobavljača s kojim posluju javne ustanove, preduzeća, prema tome, imamo pravo da tražimo informaciju od nadležnih službi da nam za iduću sjednicu (-----), zahvaljujem.“

Odgovor na vijećničko pitanje: Nadležna služba nije dostavila odgovor na vijećničko pitanje.

5. VIJEĆNIČKO PITANJE VIJEĆNIKA HAMDE DŽINIĆA

Vijećnik Hamdo Džinić: „Ja imam usmeno pitanje naslovljeno na Službu, vjerujem da je Gradončalenik upoznat pa može da odgovori usmenim putem. Zanima me Vozučki vodovod opet, znači završeni radovi, ja sam obilazio teren tokom 2023. i 2024. godine, završeno je svjež, bar što su izvođači planirali raditi, izgrađen je i bazen bilo je i nekih radova, kompletiran ----, spajanje sa ---, sada me zanima informacija jesu li izvršeni --- prije radova? ; jer je izgrađeno sve što je planirano da se izgradi po javnom pozivu, kad se planira pustiti, pošto se čini da su se stvorili uslovi da se voda pusti, kada je planirano puštanje vodovoda, znači može usmeni odgovor ali volio bih i pismeno.“

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-6-155/24 od 16.05.2024. godine): Dana 14.05.2024. godine JKP „Radnik“ d.o.o. Zavidovići izvršilo je popravke sitnih nedostataka nakon što je izvršeno probno puštanje vodovoda u funkciju, te izvršena dezinfekcija istog.

Trenutno je u fazi priprema tehničkog prijema vodovoda i pribavljanja upotrebne dozvole. Nakon pribavljanja upotrebne dozvole Služba za upravu privrede, lokalni razvoj, infrastrukturu i međunarodne odnose će uputiti neophodnu dokumentaciju Službi za upravu poljoprivrede, vodoprivrede i komunalnih poslova kako bi se pripremio akt prema Gradskom vijeću kojim će biti regulisan modalitet upravljanja istim.

6. DOPUNSKO VIJEĆNIČKO PITANJE VIJEĆNIKA HAKIJE OSMIĆA

Vijećnik Hakija Osmić: Na prošloj sjednici sam postavio pitanje vezano za izvođenje radova u mjesnoj zajednici Brezik na osnovu sufinansiranja od strane građana i od strane budžeta Grada Zavidovići. Dobio sam odgovor da će radovi biti izvedeni tokom mjeseca aprila, evo april sutra završava, a radovi nisu ni počeli, izvođač nije uveden u posao odnosno radove, također tamo stoji da su finansiranjem građana 20.000,00 KM, čini mi se 57.000,00 KM je ugovor. Ovo je inicijativa krenula od jednog dijela mjesne zajednice Brezik, odnosno preko mosta lijevo naselje Lug, Lučica, Brezik preko Luga prema, ovaj Memićima i smatram da je taj ugovor trebalo realizovati u tom pravcu, a također imam informaciju da i mještani drugog dijela mjesne zajednice Brezik iz Krivaje prema naseljenom mjestu Lađenik, također su ubirali dobrovoljne priloge kao i ovi maloprije što sam rekao s tim što oni ta sredstva nisu uplatili na budžet kao što su ovi mještani mjesne zajednice Brezik i naseljenih mjesta Lug, Lučica, Brezik. Smatram da njima treba raspisati također tender i njihova ta sredstva uzeti u obzir, dodati sredstva iz budžeta Grada i uraditi i ovaj krak Brezika prema Lugu i Lučici a također i onaj krak niz Krivaje prema Lađeniku na osnovu samofinansiranja građana i jednih i drugih. Hvala.“

Odgovor na dopunsko vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-6-155/24 od 16.05.2024. godine): Grad Zavidovići proveo postupak dodjele ugovora o javnoj nabavci radova na asfaltiranju cesta u MZ „Brezik“ u vrijednosti od 57.330,00 KM od čega je sufinansiranje građana MZ „Brezik“ 20.000,00 KM. Izvođač radova, preduzeće „Porobić“ d.o.o. Zavidovići, je uveden u posao dana 18.03.2024. godine, a radovi su obustavljeni iz razloga što Grad Zavidovići nije odlučio koji putni pravci će se asfaltirati budući da postoje određene nesuglasice među mještanima MZ „Brezik“.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: _____
(Nermin Čahtarević)